



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

S'aprovatzione de s'ischema de Bilantzu consuntivu comunale acontèssidu in is dies coladas nos cunsignat unu cuadru de moderadu otimismu pro sa serrada de s'esertzìtziu finantziàriu 2021, cun unu sinnu prus subra de s'avantzu de amministrazione a cale si sumant sa reduida de is dèpidos in foras de bilantzu e sa definitzione de is pagamenti pro is espròprios a Santa Anastasia, unu fatu chi obrigaiat s'amministrazione a vincolare importantes risursas, chi como ant a pòdere èssere liberadas. Is ufizios comunales sunt in su traballu gai de oe pro nche cunsentire de giùghere in Cussìgiu cun sa collaboratzione de sa Cummissione Consiliare cumpetente su torracontu finale, chi chergiamus aprovare intro is tèrmines de lege de su 30 abrule. B'at meda in traballare pro pònnere fronte a is apretos medas de sa tzidade nostra e cun is summas a su presente in càscia contamus de afrontare capìtulos importantes comente a s'acontzu de is caminos e sa mappatura de is sutaservìtzios.

Intre is prioridades de impreu de s'avantzu de bilantzu b'at a àere su sighimentu de is traballos istradales, cun s'inghitzu de su segundu e de tres lotos chi at a bìdere interessadas in particolare una sèrie de artèrias tzitadinas importantes ma fintzas diversos caminos de su litorale. Is traballos ant a mòvere intro su beranu e ant a èssere esecutados segundu unu capituladu chi previdet, comente a pro is lotos pretzedentes, sa scarificatzione preliminare e integrale de is asfaltos betzos in antis de sa posat de is noos. Si tratat duncas de interventos non superfitziales e pessados pro pònnere in seguridade in su tempus su colo veicolare tzitadinu, tentu contu chi tzedimentos partziales o de assentamentu sunt semper possìbiles a càusa de sa vetustà de is sutaservìtzios e de is possìbiles infiltratziones in su sottosuolo. Etotu pro custu semus valutende de propònnere intre is capìtulos de s'avantzu fintzas s'inghitzu de un'aprofundida iscumbata subra de is retes fognàrias e idricas de Quartu, chi nche cunsentat de tènnere una mappatura puntuale propedèutica a un'interventu de riòrdinu cumplessivu de is sutaservìtzios, de pranificare in su tempus.